



**Republika e Kosovës**  
**Republika Kosova - Republic of Kosovo**



**Komuna e Prishtinës**  
**Opština Priština -Municipality of Prishtina**

Në bazë të nenit 12 paragrafi 2 pika **d**, nenit 17 pika **b** të Ligjit nr. 03/L - 040, për vetëqeverisje lokale ("Gazeta zyrtare e Republikës të Kosovës" nr 28/2008), të nenit 15 dhe nenit 20 të Ligjit nr. 2003/14, për planifikimin hapësinor, dhe të nenit 15, paragrafi 1, shkronja **b** të Statutit të Komunës së Prishtinës nr. 01 - 110 - 391, të dt. 25.02.2010, Kuvendi i Komunës së Prishtinës, në mbledhjen e mbajtur më 12.07.2012, merr

**V E N D I M**  
**PËR FILLIMIN E NDRYSHIMIT DHE PLOTËSIMIT TË PLANIT RREGULLUES URBAN**  
**TË LAGJES "LAKËRISHTA"**

**Neni 1**

Fillon ndryshimi dhe plotësimi i Planit rregullues urban të lagjes "Lakërishta", i miratuar me Vendimin e Kuvendit të Komunës së Prishtinës nr. 01 - 35 - 313, të dt. 24.07.2007.

**Neni 2**

Me ndryshimet dhe plotësimet e Planit rregullues urban të lagjes "Lakërishta", do të rishqyrtohen elementet dhe përmbajtjet e përcaktuara të planit nga neni 1 i këtij vendimi.

**Neni 3**

Bartës i përgatitjes së detyrave për hartimin e planit për ndryshim dhe plotësimin e Planit rregullues urban për lagjen "Lakërishta" është Drejtoria e Urbanizmit, Ndërtimit dhe Mbrojtjes së Mjedisit të Komunës së Prishtinës.

**Neni 4**

Për ndryshimin dhe plotësimin e Planit rregullues urban të lagjes "Lakërishta", nga neni 3 i këtij vendimi, Komuna do të angazhojë kompani profesionale sipas procedurave të parapara ligjore.

**Neni 5**

Plani rregullues urban i përshkruar në nenin 1 të këtij vendimi, do të miratohet me vendimin e Kuvendit të Komunës së Prishtinës si projektplan, në mënyrë që ai t'i nënshtrohet diskutimit publik para finalizimit dhe miratimit përfundimtar.

**Neni 6**

Për zbatimin e këtij vendimi do të kujdeset Kryetari i Komunës dhe Drejtoria e Urbanizmit, Ndërtimit dhe Mbrojtjes së Mjedisit.

Organet tjera komunale do të kryejnë veprimet përkatëse nga përgjegjësitë e tyre të përcaktuara me ligj, me qëllim të zbatimit të këtij vendimi.

**Neni 7**

Ky Vendim hyn në fuqi 8 (tetë) ditë nga dita e publikimit të tij në tabelën e shpalljes dhe ueb faqen e Komunës së Prishtinës.

**KUVENDI I KOMUNËS SË PRISHTINËS**  
**01. nr.035-25397, dt.12.07.2012**

**KRYESUESI I KUVENDIT**  
**Samir Hamiti, ecc. i dipl.**